

求 好學淵明解職傲海蟾納印慷慨雲遊相繼神翁決烈物  
外真修保養先天之物運自然火煨丹丘功行滿駕祥雲趨赴  
瀛洲

贈零口康先生

人人學道箇箇心急要妙玄端的搜索刀圭鉛汞洞天日月  
採訪木金間隔緊搜求天機秘密聽予勸這異名異相且休尋  
覓 先斷氣財酒色把塵心俗念速當洗滌萬事俱忘精氣自  
無走失心清自然明道萬神靈自通消息能如此望蓬萊三島  
咫尺

贈武功薛先生

道藏輯要

丹陽神光燦

全

胃集七  
川上

同流相聚遞相覺察須當外搜內刷鬪做修行有若爭頭競角  
見賢思齊休妬把神珠時時擦抹如開悟便宜乎先覺覺乎後  
覺 更且聽予重勸論修行全在無爲絕學莫使塵緣間隔本  
來素樸淨清能分真假自然明道非遙邈功夫到達幽微神仙  
掌握

贈韓四機宜

機宜韓氏不就承蔭無心進修舉業惟恐名韉相引無休無歇  
更有一般高見鼓盆歌轉生歡悅常落魄訪村盃閑飲不拘時  
節 不管兒孫生計便拖條藜杖遠離巢穴經載忘歸惟好嘲  
風詠月稍似山侗活路倘留心搜尋秘訣轉開悟做真修仙班